



B na n waa ne raa dūni yikr raarã, n lob-a Bugmẽ wã, t'a yãadã yi a pugẽ wã, t'a gilgd ne-a wala boang sãn gilgd neerã

Yii a Usaama [bn Zayd nengẽ (Wënd yard be a yĩnga) a yeelame: b yeel-a lame: f ka na n kẽ a 'Usmaan nengẽ n gom ne-a? T'a yeele: yãmb tagsdame ti mam ka gom ne-a rëndame ti mam kit ti yãmb wum laa? M wëen ne Wënd sid- la hakuka, mam goma ne-a, maam ne yẽ suka, ti pa tũ ne mam pak yell ning mam sãn pa rat n na n yu rëenem ned sãn pak-a ye, la mam ka yet ned sãn yaa maam taor soaba: Ti yẽ n yud nebã ne sõblem ye, mam sãn wum Wënd Tën-tuumã poorẽ (Wënd puusg la A tulgr be a yĩnga) t'a yetẽ: «B na n waa ne raa dūni yikr raarã, n lob-a Bugmẽ wã, t'a yãadã yi a pugẽ wã, t'a gilgd ne-a wala boang sãn gilgd neerã, ti Bugum koambã tigim a nengẽ, n yetẽ: Zagla! Yaa bõe n tar-fo? Fo rag n ka yu n sagend ne manegre, la f gidgd sãn kisã? T'a yeel: n-yeel, sid la hakuka m da yume n sagend ne manegre la m ka maand-a ye, la m gidgd sãn kisã, la m maand-a»

[Naşun Şahuhun (Gom-sikdem sãn manege)] [B zemsa taab a zugu (A Al-Buħariy la a Muslim n reeg-a)]

B yeela a Usaama [bn Zayd (Wënd yard be b yuibã yĩnga): f ka na n kẽ a 'Usmaan [bn 'Affaan nengẽ (Wënd yard be a yĩnga), n gom ne-a yell ning sãn yu nebã sukã, sãn yaa Fitnã wã, la f modg n kiis-a a gillã, t'a yeel-b ti yẽnda goma ne-a ne solgre, n baood manegre pa Fitnã wã widgr ye, yẽ raabã yaa t'a ka rat n vëneg taor-rãmbã kusg zãmã wã suk ye, ti woto wa yu sabab ti nebã paoog Naabã (ħalufã wã) ye, bala yẽnda na n yu Fitnã la sãang ragnoore, a ka rat n yu pipi n pak-a ye. Rẽ poorẽ t'a Usaama [bn Zayd yeele (Wënd yard be b yuibã yĩnga) t'a sagenda taor-rãmbã ne solgre, la a ka belgd neda baa t'a yaa taor-soaba, la a ka pëgd-b ne zĩri b nengẽ ye, la woto yaa a sãn wum Nabiyaamã (Wënd puusg la A tulgr be a yĩnga): B na n waa ne raa dūni yikr raarã, n lob-a Bugmẽ wã, t'a yãadã yi a pugẽ wã tao-tao, tuulgã la nangã keelem, t'a gilgd ne yãadã halhaal-kãngã pugẽ Bugmẽ wã, wala boang sãn gilgd ne neerã b sãn werd zomã, ti Bugum koambã tigim a nengẽ, n gũbg-a wala zĩ-gilg halhaale n sokd-a: Yaa foom a zagla! Fo rag n ka yu n sagend ne manegre, la f gidgd sãn kisã?! T'a yeel: n-yeel, ad m da yume n sagend ne manegre la m ka maand-a ye, la m gidgd sãn kisi, la m maand-a.

النجاة الخيرية
ALNAJAT CHARITY

